



## **Kata Pengalo – Ngalo Ras Momo**



Turang ras senina i bas Tuhanta Jesus Kristus, selaku serayan Tuhan, ikataken kami mejuah-juah ras Selamat Wari Minggu man banta kerina. Man bandu kekelengen kami si sekali enda denga erkebaktin i bas gerejanta enda, ikataken kami mejuah-juah. Kerehenndu nambahi keriahen man banta kerina. I bas bena kebaktinta mari dage sidengkehken momo kerna perdalanen perpulungen Tuhan, bage pe rencana pelayanen gerejanta ku bas wari-wari si reh enda ([Ngogeken Momo](#)).

## Kata Penaruh



I bas gerejanta GBKP minggu enda igelari minggu Kemenangen Kuasa Dibata nandangi kuasa kegelapan, Kemenangen Dibata i bas Kerina kuasa-kuasa si lit i doni enda, subuk si teridah bagepe si la teridah, subuk si jadi kebiaren man manusia. Enda me sada dalan man banta tole nginget maka Dibata mpetangkas diriNa selaku Dibata si Sada si patut isembah, la lit dibata si deban seakatan IA ngenca.

Marilah si aminken i bas kegeluhennta, si endesken geluhta man baNa segelah IA erkuasa nandangi kita, dengen kita ipengasup guna ngelawan kuasa-kuasa si lit i doni enda. Tuhan Menang, kita Menang. Haleluya. Amin.

**Erkata Lonceng**

*(Perp. Tedis)*

**Rende**

**KEE No. 221 : 1, 2**

*(Serayan Kebaktin Bengket Ku Mimbar)*

**Kebaktin Minggu**  
**Tanggal 18 Juli 2021**  
**Minggu VII Kenca Trinitatis :**  
**Kuasa Dibata Menang Nandangi Kuasa Kegelapen**

<b>3</b>	<b>Votum – Salam</b> <span style="float: right;"><i>(Perp. Tedis)</i></span>
L	I bas gelar Dibata Bapa sinjadiken sinasana, Anak-Na Jesus Kristus si jadi Tuhan ras Juruselamat doni enda, ras Kesah Sibadia si tetap erdahin guna nelamatkan doni enda. Dibata enggo ngkelengi doni enda, keselamatanen enggo iberekenNa man banta gelah kita pe nehken perdamen man kerina isi doni enda. Amin.
P	Amin ..... Amin ..... Amin ..... <i>(iendeken)</i>
<b>4</b>	<b>Berita Kerna Perbahanen Ras Sura-Sura Dibata (Invocatio)</b>
L	“Kita enggo ipulahi Dibata i bas kuasa si gelap nari. Ibabana kita ku bas Kinirajan Anak kekelengenNa” (Kolose 1 : 13).  Erpalasken Kata Dibata enda, sipuji IA alu radu ras ngendeken : <b>KEE No. 311 : 1, 3</b>
<b>5</b>	<b>Dibata Si Erkuasa i Bas Kerina Sinasa</b> <span style="float: right;"><i>(Perp. Kundul)</i></span>
L	Ngerana Dibata, janah enda me kataNa, “Aku kap TUHAN Dibatandu, si mada kam ndarat i Mesir nari, inganndu iperbudak. Ola isembahndu dibata-dibata si deban, tapi sembahlah Aku. Ola ibahanndu gana-gana tah gambar-gambaren kerna kai pe si lit i datas langit, i doni, ntah pe si i bas lau i teruh doni. Ola kam erjimpuh man gana-gana ntah pe ersembah ku je, sabab Aku kap TUHAN Dibatandu si percimburu. Asa kai kalak si ernembah ate man bangKu Kuukum ia, ras anak-anakna, seh ku kesusurena si petelukan ras si peempatkan. Tapi tetap Kukelengi kalak si engkelengi Aku ras si ngikutken undang-undangKu, seh kempak meribu-ribu kesusuren. Ola ipakendu gelarKu guna tujun si jahat, sabab Aku TUHAN Dibatandu, la banci la ngukum asa kai kalak si nalah-gunaken gelarKu.

P	I bas Kerina kai si enggo ibahanNdu, tuhu Kam me Dibata si Sada, Dibata si erkuasa i bas kerina kegeluhen si erkesah i doni enda o Tuhan.
L	Sipuji Tuhan erkiteken kuasaNa alu ngendeken : <b>KEE No. 367 : 1, 2</b>
<b>6</b>	<b>Kinata Kinilangasupen i Bas Nggejapken Kuasa Dibata</b>
L	Dibata setia kap i bas Pedah si enggo ibelaskenNa. IdapetiNa nge ndia anak-anakNa setia i bas kinitekenna ?
P	O Tuhanku, O Dibatanku, megati la kami ersaber ate, i bas nimai penampatNdu, i bas kesusahen ras kebiarenku. Ngaku aku, maka megati kutundalken KuasaNdu i bas geluhku. O Tuhan alemi kal min aku.
L	Kinigenggengen mabai manusia ku bas kemenangan. Tapi kalak si la setia bene kap.
P	Erkiteken pengajuk doni enda, subuk erta, kuasa, erga diri, ras kesehaten, megati kami la setia man baNdu. O Tuhan, alemi kal aku.
L	Dibata kap si mada Kuasa. La lit kuasa si ganjangen asa kuasaNa. KuasaNa maba kegeluhen dengen kejuah-juahen.
P	Megati aku la ngasup mbedaken kuasa Dibata ras kuasa sideban, piah geluhku enggo ikuasai dosa. Kuakap kesangapen - kepe liah, kuakap pasu-pasu - kepe tulah, kuakap kedamen - kepe kebenen. Alemi kal aku o Tuhan.
	<i>(Paksa Teneng)</i>
L	Mari sipindo pengalemi dosa alu ende-endenta : <b>KEE No. 417 : 1, 2</b>

7	<b>Berita Pengalami Dosa</b> <span style="float: right;"><i>(Perp. Tedis)</i></span>
L	<p>Ras gelah ietehndu maka seh kal belinna Kuasa Dibata erdahin i bas kita si tek man Kristus. Kuasa si erdahin i bas kita e, bali ras kuasaNa si mbelin. Si ipakeNa asum IA mpekeke Kristus i bas si mate nari, janah ipekundulNa IA arah kemuhenna i bas ingan si meganjangna. Kuasa Kristus e ndauh kal ganjangan asangkan kerina kuasa pemerintah ras penguasa si la teridah, dingga ganjangan asangkan kerina pemimpin ras tuan-tuan si la teridah, janah pangkatNa ganjangan asangkan kerina pangkat si terbelaskan, subuk i bas paksa enda, bage pe i bas paksa si reh pagin. (Epesus 1 : 19 – 21).</p> <p>Tole nina TUHAN, “Marilah maka si dungi cakapta enda. Kam enggo erkubang-kubang ibahan dosa, tapi kuperidi kam maka bersih bagi salju. Aminna gia erkiteken dosandu kam enggo mbiring bagi tengguang, mulihi kam jadi mbentar bagi kapas. Adi kam erkemalangen man bangKu, ipanndu me kai si mehuli ulih tanehndu enda. Tapi adi ilawanndu Aku, mate me kam ipan pedang,” bage nina TUHAN. (Jesaya 1 : 18 – 20).</p> <p>Sipuji Tuhan erkiteken dosanta enggo ialemiNa alu ras kita rende : <b>KEE No. 364 : 1, 2</b></p>
8	<b>Kata Dibata</b> <span style="float: right;"><i>(Perp. kundul)</i></span>
a	<p>Marilah sibegiken Kata Dibata si man ogenken ibas Minggu enda sini ibuat ibas Kitab <b>2 Raja - Raja 21 : 1 - 15</b>. Mari siogeken secara pegancih. Sibenaken pengogenta .....</p> <p style="text-align: center;"><b><u>Manase raja Juda</u></b></p> <p>21:1 L Sanga Manase jadi raja Juda umurna sepuluh dua tahun. Irajaina kerajaan Juda i Jerusalem nari lima puluh lima tahun dekahna. Gelar nandena Hepsiba.</p> <p>21:2 P Manase erdosa man TUHAN, erkiteken iusihna perbahanen-perbahanen si melket si ilakoken bangsa-bangsa si enggo ipelawes TUHAN asum bangsa TUHAN bengket ku negeri e.</p>

21:3 L	Ipajekkenna mulihken ingan-ingan persembahen kalak perbegu si enggo icedaken Hiskia, bapana; ipajekkenna batar-batar ingan persembahen man Baal janah ibahanna gana-gana Dewi Asera, bali ras perbahanen Ahap, raja Israel. Bintang-bintang pe isembah Manase.
21:4 P	Ipajekkenna batar-batar kalak perbegu i bas Rumah Pertoton, sedangken enggo ikataken TUHAN maka ingan e, ingan ersembah man baNa.
21:5 L	Ipajekkenna batar-batar ingan persembahen man bintang-bintang i bas duana kesain Rumah Pertoton.
21:6 P	Igelehna anakna si dilaki jadi persembahen tutungen. Ibahanna pertendungen ras kinigurun janah isungkunna guru si baso guna ngerana ras begu-begu ras ngoge nasip. Mbelin kal dosana man TUHAN, janah ipekekena rawa TUHAN.
21:7 L	Itamakenna gana-gana Dewi Asera i bas Rumah Pertoton, sedangken enggo ikataken TUHAN kerna ingan e man Daud ras anakna Salomo, “I Jerusalem enda, i bas Rumah Pertoton enda, e me ingan si enggo Kupilih i bas daerah suku-suku Israel si sepuluh dua jadi ingan ersembah man bangKu.
21:8 P	Janah adi bangsa Israel ngikutken kerina perentahKu janah ipakena kerina Undang-undang si ibereken Musa suruh-suruhanKu, la Kupelepas ia ipelawes kalak i bas negeri si enggo Kubereken man nini-ninina.”
21:9 L	Tapi la erkemalangen kalak Juda man TUHAN, ibabai Manase bangsa e erbahan dosa ngelebihi dosa si ibahan bangsa-bangsa si ipelawes TUHAN i bas negeri e nari asum bangsa TUHAN bengket ku je.

21:10 P	Jenari ngerana TUHAN arah nabi suruh-suruhanNa nina,
21:11 L	“Raja Manase enggo ngelakoken perbahanen si melket, perbahanen si ndauh melketen asa si ibahan bangsa Kanaan. Alu gana-gana enggo ibabaina kalak Juda erdosa.
21:12 P	Erkiteken si e Aku, TUHAN Dibata Israel, Kucedaken ateKu Jerusalem ras Juda seh maka kalak si meggi kerna si e keke mbulu kudukna megisa.
21:13 L	Kuukum Jerusalem bagi nai Kuukum Samaria, bagi nai Kuukum si Ahap, raja Israel ras kesusurena. Kuta Jerusalem Kusapu bersihken kerina pendudukna, bali bersihna ras piring si enggo i burihi jenari ipelangkem.
21:14 P	Kalak si nggeluh denga Kutadingken, janah Kuendesken ia ku bas tan musuh-musuhna, si njajah ia dingen ngerampasi tanehna.
21:15 L	Si enda Kubahan man bangsangKu erkiteken enggo ia erdosa man bangKu janah ipekekena rawangku menaken sanga nini-ninina ndarat i Mesir nari seh ku wari enda.”
	<p>Ketuahen kalak si megiken kata Dibata, dingen si makekenca i bas geluhna si teptep wari, Haleluya.</p> <p>Ialoi perpulungen alu ngendeken :</p> <p><i>Haleluya .... Haleluya .... Haleluya ....</i></p>

b	Ertoto guna Khotbah
c	Khotbah : Perbahanen Rasul – Rasul 19 : 11 - 20. Tema : <i>“Akuken Man Tuhan”</i>
d	Ertoto kenca khotbah
<b>9</b>	<b>Pengakun Kiniteken</b> <i>(Perp. Tedis)</i>
	<p>Aku tek man Dibata Bapa si la ersibar kuasaNa, si nepa langit ras doni.</p> <p>Aku tek man Yesus Kristus anakNa si Tonggal Tuhanta, si jadi arah Kesah si Badia, tubuh i dur singuda-nguda nari si so keliamen, tergelar si Maria, si ngenanami kiniseran sangana pemerintahen Pontius Pilatus, nipakuken ku kayu persilang, mate je nari ikuburken, nusur ku doni kematen, peteluwariken enggo keke ibas si mate nari, nangkih ku surga, perkundulna arah kemuhen Dibata Bapa si la ersibar KuasaNa, je nari reh me IA pagi ngeranaken si nggeluh ras si enggo mate.</p> <p>Aku tek man Kesah si Badia, janah lit sada Gereja si Badia, persadan kalak si Badia, pengalemi dosa, kinikeken kula, kegeluhen si rasa lalap. Amin.</p>
<b>10</b>	<b>Persembahen</b> <i>(Perp. Kundul)</i>
L	<p>Kata Dibata si jadi Palas man banta i bas kita nehken persembahenta man Dibata si Erkuasa ibuat i bas</p> <p>Lukas 12 : 23 – 24 :</p> <p><i>“Sabap ergan nge geluhndu asa pangan, dengen ergan pe badanndu asa uis. Nehenlah perik kak: la merdang, la rani, la lit lumbungna; tapi bage gia man nge ia ibahan Dibata. Kam ndauh ergan asa perik-perik e”</i></p> <p>Iherta pepulung persembahen, rende kita i bas :</p> <p><b>KEE No. 343 : 1, 2</b></p> <p>Pertoton Persembahen ras Syafaat</p>
<b>11</b>	<b>Perpadanen Man Dibata</b> <i>(Perp. Tedis)</i>
L	Tuhan tetap setia encidahken kuasaNa man kalak si tetap saber dengen paguh i bas kinitekenna.

P	Erdahinlah Kam Tuhan i bas kegeluhen kami, pegegehilah kami. Kuasailah kami, gelah kuasa si deban la bengket ku geluh kami.
L	Nina Dibata : “Lanai lit kuasa si ngasup encedai bangsaKu, subuk guna-guna, entah pe kinigurun”. Sebab Aku kap Tuhan si erdolat.
P	Bagi Kam enggo njagai Israel arah kerina kuasa kegelapen, emaka genduari tek aku, maka la lit kuasa guna-guna, bagepe kinigurun si banci naluken aku, sebab aku sikerajangen Yesus Kristus.
L	Dibata ndilo anak-anakNa gelah sitatang-tatangen, bagi IA enggo natang kegeluhen manusia.
L + P	Erpadan kami Tuhan, ilawan kami me kuasa si gelap. Sebab tek kami, Kristus si enggo naluken kerina kuasa gelap, lit i bas diri kami.
L	Guna mpeteguhi perpadanenta man Dibata, rende kita i bas : <b>KEE No. 276 : 1, 3</b>
<b>12</b>	<b>Pertoton Tuhan</b>
<b>13</b>	<b>Pengutusen ras Pasu-Pasu Dibata</b>
L	Bengketlah ku tengah-tengah doni enda si dem percuban, tetapkan ukurndu guna nggeluh i teruh KuasaNa, dengen alokenlah pasu-pasu idur Dibata nari : <i>“Laweslah ku kerina bangsa manusia, bahanlah ia jadi ajar-ajarKu: Peridiken ia ibas gelar Bapa, gelar Anak, ras gelar Kesah Si Badia, janah ajari ia ngikutken kerina si enggo Kupedahken man bandu. Janah ingetlah! Aku tetap kap ras kam seh ku kedungen jaman”</i> Amin (bdk. Matius 28 : 19 – 20).
	Ialoi perpulungen alu ngendeken : A..min A...min A ....min
	<b><i>SELAMAT HARI MINGGU/SYALOOM.....</i></b>